


Rene Herde, den number di AVP:

Si demasiado estudiante a keda sinta ta pasobra Enseñanza a faya

ORANJESTAD (AAN) — Den conferencia semanal di prensa di partido AVP, señor Rene Herde a hiba palabra, y a bisa cu e hecho cu enseñanza tabata e ultimo punto di agenda esaki no ta refleha cu e no tin importancia pero mas bien ta nifica cu e tin e tarea difícil, pa splica cu tur e problemanan di cualnan AVP a elabora e dia ey tin nan origen den enseñanza. Herde a subraya cu e resultadonan desalentador cu nos tur por a scucha siman pasa, cu un cantidad grandi di alumnonan di school secundario y mas halto a keda sinta, ta trece cune cu na augustus proximo lo no tin lugar pa nan bay school back. Segun Herde e muchanan aki perde e speranza cu e sistema nobo a duna cu tin mas tempo pa nan desaroya. El a agrega cu no tin otro palabra pa cataloga e situacion aki cu un mal maneho administrativo di warda problema pa despues bay actua.

Rene Herde a subraya cu no tin ningun splicacion riba e hecho cu si a wak un problema na October anto warda te Juli pa bisa: "hey, cos ta malo"! El a acentua cu e problema aki AVP a wak e bin for di October aña pasa, pero solamente un maneho cu ta sinta warda y spera milagro ta causa e tipo di situacionnan asina.

E politico di AVP a añadi cu



tin hopi motibo pa cual e studiantenan a faya, y pakico nan resultadonan a sali malo y cu mas cu e cantidad normal nan a keda sinta e aña aki.

AVP ta conciente cu tin, entre otro, problemanan social causa pa entrada abao den cada cas y costo di bida cu a subi, y cu mayornan mester bay traha doble mientras cu nan yiu(nan) ta keda na cas mas tempo nan so.

Pero tambe AVP ta pensa cu envez di inverti placa pa actividadnan despues di oranan di school pa guia e muchanan, a prefera di hinca miyones di Florin den parkenan, djis pa "pronk", y cu envez di hinca entradanan adicional den enseñanza, den training pa maestronan di school, a hinke den saco di famia di e gobernantenan. Segun Herde e presupuesto pa enseñanza a aumenta un tiki, pero e resultadonan cu e studiantenan a haya no ta refleha esaki.

"Ora enseñanza no sirbi bo como individuo, pa haya un ofishi of profesion, pero contrario e ta saca bo for di school, enseñanza ta faya. Ora enseñanza no a duna mehor produccion di nos economia, pero contrario a haci, manera cifranan di SER ta muestra, cu un cantidad mucho grandi di nos comunidad tin un nivel di enseñanza mucho abao, nos enseñanza ta fayando!",

Herde a indica.

El a reitera cu esaki ta debi na un problema administrativo di e gobierno actual, cu ta warda te ora baca hoga pa despues bin busca moda di haci investigacion.


"E actitud aki, e maneho pasivo y inactivo aki ta e causante primordial pasobra e responsabilidad di gobierno ta 'actua'!" Herde a expresa.

Esaki kiermen cu si gobierno a mira e problemanan cu tabata surgiendo den enseñanza nan mester a actua. Tin informacionnan na cantidad di SER, di CBS y di Departamento di Enseñanza cu a refleha e señalnan, pero gobierno no a actua, y esey ta e problema! Di e manera aki e muchanan

ta perde perspectiva y e unico perspectiva cu nan tin pa haya trabao ta "favor politico" cu ta netamente local no ta e funcion di gobierno. Ora cu enseñanza ta perde relevancia y no ta bira importante mas den bida di hende, e personanan ta bay busca otro formanan di yega na un trabao, un carera y un salario, y esey ta e situacion cu nos tin na Aruba, segun Herde a expresa, y el a subraya cu e programa cu AVP ta presentando "Plan Aruba" ta propone un maneho totalmente contrario, unda ta bay monitor enseñanza y tuma medida na momento cu e problema duna e prome señalnan envez di warda na Juli ora cu ta laat.

TELEFONNAN DI DIARIO
582-6747- FAX 582-8551

LEU FOI CAS!!



LAS AMERICAS

(Near Burger King)
Playa (Caya Grandi)
Tel: 582-1576



Tas pa scol
cuminsando for di
Afl. 5,=